



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Komisija za utvrđivanje naziva novih ulica Općine Kakanj

OPĆINSKO VIJEĆE KAKANJ

Stručne službe

**PREDMET: Odgovor Komisije za utvrđivanje naziva novih ulica Općine Kakanj
na Zaključak Općinskog vijeća broj: 01/1-27-55/19 od 28.02.2019. godine**

Zaključkom Općinskog vijeća broj: 01/1-27-55/19 od 28.02.2019. godine odgođeno je izjašnjavanje o prijedlogu Odluke o nazivima ulica na području općine Kakanj i isti je vraćen Komisiji na dodatnu obradu na način da se utvrde nazivi dodatnim ulicama po iznesenim amandmanima vijećnika i po eventualnim prijedlozima svih zainteresovanih građana. Ostavljen je dodatni rok od 15 dana u kojem svi zainteresirani građani mogu Komisiji dostaviti prijedloge za utvrđivanje naziva novih ulica općine Kakanj.

Nakon prijema Zaključka Komisija je održala sastanak te u vezi istog je konstatovala:

Rješenjem Općinskog Vijeća Općine Kakanj broj: 01/1-20-204/18 od 31.05.2018. godine formirana je Komisija za utvrđivanje naziva novih ulica općine Kakanj sa zadatkom da provede postupak utvrđivanja naziva novih ulica općine Kakanj, uzimajući u obzir **prijedloge Komisije za obilježavanje naseljenih mjesta, ulica, trgova i mostova**, geografske pojmove vezane za općinu Kakanj, datume vezane za značajne događaje iz historije BiH, imenima osoba koje su dale značajan doprinos historiji BiH, imenima formacija, šehida i poginulih boraca iz oslobodilačkih ratova, imenima osoba koje su dale značajan doprinos u kulturnom, privrednom, društvenom, sportskom i naučnom razvoju BiH.

Iako Općina Kakanj nema poseban pravilnik za utvrđivanje naziva ulica, trgova, mostova i sl, Komisija je radi uključivanja javnosti u ovaj postupak uputila Javni poziv svim građanima, Savjetima Mjesnih zajednica, udruženjima građana i ostalim zainteresiranim licima da dostave prijedloge naziva novih ulica koje trenutno nemaju nazive sa detaljnim opisom svake ulice kojoj se utvrđuje naziv.

Nakon provedene procedure, sačinjen je Izvještaj o radu Komisije i prijedlog Odluke o utvrđivanju naziva novih ulica na području općine Kakanj te organizovana posebna prezentacija na 27. sjednici Općinskog vijeća kako bi svakom vijećniku bilo u potpunosti jasno kojim ulicama se određuju nazivi.

Međutim, Općinsko vijeće donosi Zaključak koji je nije u skladu sa donesenim Rješenjem Općinskog Vijeća broj: 01/1-20-204/18 od 31.05.2018. godine kojim je formirana Komisija za utvrđivanje naziva novih ulica općine Kakanj i preciziranim zadacima.

Naime, ovoj Komisiji su u skladu sa Rješenjem od 31.05.2018. godine dostavljeni materijali Komisije za obilježavanje naseljenih mjesta, ulica, trgova i mostova u kojima je navedeno da šesnaest ulica na području općine Kakanj nema nazive i da tim ulicama ova Komisija treba odrediti prijedloge naziva.

Nakon što je Komisija uputila javni poziv, prikupila prijedloge zainteresiranih građana, mjesnih zajednica i sl. i sačinila prijedlog za tih šesnaest ulica, nije jasno kakav poziv treba dodatno upućivati i zbog čega još jednom treba provoditi kompletnu proceduru.

Komisija je analizirala amandmane vijećnika i konstatovala je da se prijedlog vijećnika Mijoč Eldina može prihvatiti jer se isti odnosi na ulicu kojoj treba odrediti naziv, dok se ostali amandmani ne prihvataju jer izlaze iz okvira zadatka ove Komisije (nisu predmet rada ove Komisije).

Tako je Komisija jednoglasno prihvatila prijedlog Mijoč Eldina da:

Ulica koja se izdvojila kao zaseban krak u naseljenom mjestu **Plandište** i koja predstavlja saobraćajnicu koja započinje odvajanjem sa Ulice Šehida kod Srednjoškolskog centra i nastavlja prema Novom naselju Bare do kraja ulice Deveti maj dobije naziv: **Sikira Mehmedalije**, a preostali dio puta do objekata Gradske deponije JP „Vodokom“ d.o.o. Kakanj, je nova ulica kojoj se predlaže naziv: **Kovač Rahmana**.

Obrazloženje: Mehmedalija Sikira je rođen 1. juna 1966. godine u porodici Fadila i Selvete na Plandištu, općina Kakanj. Osnovnu i srednju školu je završio u Kaknju. Radio je u Rudniku mrkog uglja Kakanj, Pogon “Stara jama”. Bio je član spasilačke ekipe rudničkog vatrogasnog društva i redovan dobrovoljni davalac krvi. U redove Armije R BiH uključio se od početka agresije. Poginuo je 22. augusta 1992. godine u Misoči. Dan poslije ukopan je na mezarju Doboju.

Rahman Kovač je rođen 18. maja 1954. godine u Brnjicu, od oca Adema i majke Merdade. Nakon odsluženja vojnog roka u JNA zapošljava se u Rudniku mrkog uglja Kakanj gdje kao radnik ostaje do početka agresije na R BiH. Iako je imao težak život, radne kolege su ga poznavali kao veselog, čestitog i radinog čovjeka. I pored teškog života i brige za šestoro djece, znao je za šalu i kao takav je bio poželjan u društvu.

U odlučujućim trenucima za BiH, uključuje se među prvima na području Brnjica u redove tadašnjeg OPŠTO-a Kakanj i kao dobrovoljac odlazi na ratišta Breze i Visokog.

Poginuo je 10. juna 1992. godine na brezanskom ratištu.

Rahman Kovač je prvi kakanjskih šehid u Odbrambeno-oslobodilačkom ratu 1992-1995.

Ukopan je na mezarju Varda 12. juna 1992. godine.

Iza Rahmana Kovača je ostala supruga Fata, te djeca Nermin, Nermina, Amir, Fatima, Samir i Saudina.

Ostali prijedlozi koji su samoinicijativno dostavljeni od strane građana i pojedinih mjesnih zajednica ili udruženja nisu razmatrani jer je postupak predlaganja završen u 2018. godini.

U skladu sa navedenim Komisija predlaže Općinskom Vijeću da usvoji ranije utvrđeni prijedlog sa izmjenama koje su navedene u ovom odgovoru.

za Komisija za utvrđivanje naziva
novih ulica Općine Kakanj

Ibrahimović Adnan